

**TATA PANGIBADAH MINGGU**  
**GKJ SALIB PUTIH**  
**Minggu, 6 Februari 2022**

PS : Pelados Sabdo / PL : Pelados Liturgi / P : Pasamuhan

**PACAWISAN**

- Pasamuhan nyawisaken manah ing salebeting pandonga sacara pribadi.

**TIMBALAN PANGIBADAH**

PL1 : Para sadherek ingkang dipun tresnani dening Gusti,  
Kita kedah tansah caos sokur, awit Gusti Yesus Kristus sampun  
kersa paring pangapunten tumrap dosa miwah kalepatan kita.  
Lan kita ugi caos sokur awit Gusti sampun kersa netepaken kita  
dados tiyang ingkang kautus martosaken kabar kabingahan.  
Pramila sumangga kita marek sowan wonten Ngarsanipun lan  
ngluhuraken Asmanipun.

(Pasamuhan Jumeneng)

**KIDUNG PASAMUAN**

**KPJ 28 : 1,3 “SUCI, SUCI, SUCI”**

1. Suci, suci, suci pinuji Hyang suci.  
Allah Mahamulya kang jumeneng Raja.  
suci, suci, suci pinundhi Hyang Widi  
titah sadaya memuji samnya

(Pradhata lan Pelados Sabda lumebet dhateng papan pangibadah)

3. Suci, suci, suci, Allah Mahasuci.  
Gumuruhing kidung nggunggung-nggunggung Gusti.  
Tetalesing bumi gonjing déning puji.  
Pra makhluk wrata girang memuji.

**VOTUM**

[Type here]

- PS : Sumangga pangibadah minggu punika kita sengker kanthi pangaken bilih pitulungan kita pinangkanipun saking Gusti Allah, ingkang nitahaken langit lan bumi.
- P : **(ngidungaken) AMIN...AMIN...AMIN 2X**

### **SALAM**

- PS : Sih-rahmat lan tentrem rahayu saking Allah Rama sarta Gusti Yésus Kristus, tuwin patunggilanipun Roh Suci nunggila ing panjenengan sadaya.

**(Pasamuan Lenggah)**

### **AYAT PAMBUKA**

- PL1 : Pasamuan kagunganipun Gusti, Pangibadah minggu punika, ngengetaken malih bilih dosa kita punika sampun kaapuntèn dening pangurbananipun Gusti Yesus wonten ing kajeng salib. Kanthi mekaten, kita kedah gesang kebak ing raos sokur, boten namung dumunung ing batin lan lathi, ananging lair ing tumindak nyata. Tumindak ingkang kados pundi? Inggih sumadya dados seksinipun Gusti Allah anggenipun mbabar katresnan dhateng asanes.

**Yesaya 43 : 10a**

**“Sira iki padha dadi seksiningSun”, mangkono pangandikane Pangeran Yehuwah, “tuwin abdiningSun kang wus Sun pilih, supaya sira padha sumurup lan kumandel marang Ingsun lan mangreti, manawa Ingsun iki tetep Panjenengane”.**

### **KIDUNG PASAMUAN**

**KPJ 452 : 1,2 “TEKADING MANAH KAWULA”**

1. Tekading manah kawula, tansah ndherek mring Gusti yeku Panutan sanyata, nggih Panebus sejati.

**Reff.**

Margining salib ingambah, mbangun turut mring Allah.  
Mbabarken tresna sejati, mrih jagad tentrem basuki.

2. Kula sestu ndherek Gusti ngantos slami - laminya, martosaken Injil Suci, dimen samya waluya.  
**Reff.**

### **PENGAKENING DOSA**

PL1 : Wonten ing **Mateus 22 : 37-40**, Gusti Yesus paring dhawuh dhumateng kita mekaten :

**Paring wangsulane Gusti Yesus : “Sira tresnaa marang Pangeran Allahira kalawan gumolonging atinira, lan gumolonging nyawanira, sarta gumolonging budinira. Yaiku angger-angger kang gedhe lan luhur dhewe.**

**Dene angger-angger kang kapindho kang padha karo iku, yaiku: Sira tresnaa ing sapepadhanira dikaya marang awakira dhewe.**

**Kabeh isining Toret lan kitabe para nabi iku gumantung karo angger-angger loro mau.”**

PL1 : Para sederek wonten ing patunggilanipun Gusti, Gusti dhawuh supados kita gesang wonten ing salebetipun katresnan. Tresna dhumateng sesami lan ugi dhumateng Gusti Sang Etuking Katresnan.

Ananging kita dereng saged gesang kados ingkang Gusti dhawuhaken. Kita taksih asring mboten ngregani tiyang sanes. Ndamel sedih lan ndamel tiyang sanes dhawah wonten ing salebeting dosa. Pramila sumangga kita sami nelangsani dosa miwah kalepatan kita dhumateng Gusti

### **KIDUNG PANELANGSA**

#### **KPJ 56 :1-3 “MULIHA ANGER”**

1. Muliha angger, muliha den enggal!  
Paranmu wus adoh, lakumu kesasar  
Adhuh cilaka angger muliha!  
Den enggal muliha!
2. Élinga sira, wong dosa tobata.

[Type here]

Ramamu kang asih nganti klawan sedhih.  
Adhuh, cilaka sira wong dosa, dèn énggal tobata.

3. Tobata sira, wong dosa nlangsaa!  
Suwarga omahmu, naraka satrumu.  
Adhuh, cilaka sira wong dosa, nging Allah ngaksama.

(Pasamuan Jumeneng)

### **PAWARTOS SIH RAHMAT**

PS : Dhateng saben tiyang ingkang sami nelangsani dosa-dosanipun lan mratobat, kaparingan nampeni pawartos sih rahmat saking Gusti, ingkang kapenthik saking

**Mateus 11:28**

**“He, para wong kang kasayahan lan kamomotan, padha mrenea, Aku bakal gawe ayemmu”**

PS : Mekaten pawartos sih rahmat saking Gusti!

P : **Puji sokur konjuk Gusti**

### **KIDUNG KASANGGEMAN**

**KPK LAMI 132 : 1,2 “TINEBUS BABAR PISAN”**

1. Uwal sing laknat iba begjaku  
Gusti wus seda mbirat dosaku  
Temah luwar sing paukuman  
Dennya ngluwar babar pisan  
**Refr.**  
Babar pisan dennya nulungi  
Babar pisan dennya ngrampung  
Rumaketa ing pamentangan  
Mesthi luwar babar pisan
2. Saiki kita padha mardika  
Gusti wus nanggél ing slamet kita  
Linuputken sing karusakan  
Sinucekken babar pisan  
**Refr.**

(Pasamuan Lenggah)

[Type here]

## **PANDONGA SYAPAAT LAN PANDONGA PALADOSAN SABDA**

**PS atur pandonga syapaat lan paladosan sabda**

### **PALADOSAN SABDA**

- Pamaosing Sabda

PF : Maos : **Yesaya 6:1-8 (9-13) / Jabur 138 / 1 Korinta 15:1-11**

**Lukas 5:1-11**

**Mekaten Sabdanipun Gusti Allah / Mekaten Injilipun Gusti Yesus**

Ingkang rahayu inggih punika tiyang ingkang mirengaken Sabdanipun Gusti sarta ingkang ngestokaken. Halleluya!

J : **(ngidungaken) HALELUYA, HALELUYA, HALELUYA 2X**

- Khotbah
- Wekdal Ening

### **PISUNGSUNG**

PL2 : Pisungsung mujudaken pamuji sokur kita awit sedaya berkah pangrimatipun Gusti tumrap gesang kita. Sumangga kita aturaken pisungsung kita dhumateng Gusti kanthi manah ingkang kebak raos pamuji sokur lan lila legawaning manah. Dhasaring pisungsung kapandhet saking

**Rum 11:36**

**“Awitdene anane samubarang kabeh iku saka ing Panjenengane, lan marga dening Panjenengane, sarta lumadi marang Panjenengane : Kamulyan kagema ing Panjenengane salawas-lawase!”**

Kita sami atur pisungsung kanthi kinanthenan pepujen...

### **KIDUNG PISUNGSUNG**

**KPJ 157 : 1,3 “CAOSNA PISUNGSUNG MU”**

1. Caosna pisungsungmu anéng pasamuwan  
klayan lilaning ati, klawan legawa  
Aturna pisungsungmu kanthi sukarena

**Reff:**

[Type here]

Caosna pisungsungmu, dadya cihnaning bungah  
minangka panuwunmu, wit sih-ing Allah

3. Pisungsung kagem Gusti dadia sarana  
amrih kratoning Allah énggal kelampah  
Tentrem miwah rahayu, Gusti kang paring  
**Reff:**

(Pasamuhan Jumeneng)

### **PANDONGA PISUNGSUNG & DONGA RAMA KAWULA**

PL2 : Atur pandonga syafaat, lajeng dipun pungkasi kanthi Donga Rama  
Kawula..*(donga sesarengan / boten dipun kidungaken)*

### **PANGAKENING PITADOS RASULI**

PL2 : Sesarengan kaliyan pasamuwanipun Gusti ing sauruting wekdal  
saha papan, sumangga kita ngenggalaken iman kapitadosan kita  
srana sesarengan ngucapaken Pangaken Pitados Rasuli ingkang  
mekaten....

### **PANGUTUSAN LAN BERKAH**

PS : Pasamuhan ingkang dipun-kasihi Gusti, kita eneraken manah  
kita dhumateng Gusti.

Lan sumangga kita sami mirengaken pangutusan lan  
prasetyanipun Gusti Yesus dhumateng kita.

PS : **Mulane padha lungaa, sakabehing bangsa padha  
dadekna siswaKu, lan padha babtisen ing asmane Sang  
Rama, Sang Putra lan Sang Roh Suci, apadene padha  
wulangen bab apa kang wis Dakdhawuhake marang  
kowe kabeh”**

P : Sumangga dhuh Gusti, mugi karsaa ngutus kawula lan mugi  
Paduka paring berkah anggenipun kawula nglampahi punapa  
ingkang Gusti dhawuhaken

PS : **Aku ora pedhot-pedhot nganthi marang kowe, kongsi  
tumeka wekasaning jaman”**

PS : Puji sokur dhumateng Gusti lan pinujia Asmanipun langgeng  
salami-laminipun

[Type here]

PS : Kita tumungkul lan kita tampani berkahipun Gusti :

**“Pangéran Yéhuwah mugé maringana berkah dhumateng panjenengan, lan ugi ngayomi panjenengan. Pangéran Yéhuwah mugé nyunaraken cahyaning wedananipun, dhateng panjenengan, lan maringana sih rahmat. Pangéran Yéhuwah mugé karsaa nungkulaken wedananipun dhumateng panjenengan, lan maringana tentrem rahayu“.**

P : Pasamuhan nampi berkah lajeng ngidungaken

**KPJ 464a “AMIN, AMIN, AMIN”**

Amin, amin, amin.

### **KIDUNG PANUTUP**

**KPK BMGJ 111 : 1,2 “GUSTI NUNTUN KAWULA”**

1. Gusti mugé sampun ngantos nilar kawula  
kawula tansah ngraosna berkah Paduka,  
**Reff :**  
Gusti mugé nuntun kawula  
kawula tansah ngraosna berkah Paduka.
2. Gusti mugé myarsakaken pasambat kula  
sinten malih ingkang dadya pangungsen nyata,  
**Reff :**  
Gusti mugé nuntun kawula  
kawula tansah ngraosna berkah Paduka.

*PS lan pradathaning pasamuhan jumeneng wonten ngajeng mimbar  
lan paring salam*

### **PANDONGA PRIBADI**

[Type here]